

ՅԱԿՈՒԲ ԵՊՍ. ԹՕՓՈՒԶԵԱՆՅ, ՎԱՆՅԻ. — Նախ մք. և ապա վանահայր Լիմ անապատի. աշկ. ժառ. վարժ.ի Ս. Յակոբի վանքին: 1836—1842 թղթակցութիւն ունեցած է Ս. Յակոբի վանքի միաբաններուն, մասնաւորապէս Սևերէկցի Արիստակէս վրդ.ի հետ (Վրք. էջ 21). Լիմ Անապատի գործով կը ճամբորդէ 1842ին Հալէպ. և 1843ին ալ Տփլիս. ուր 1825ին վանցի մհա. Գասպարի Լիւն, Կսուց, Վարապայ և Նարեկի չորս վանքերուն ի նպաստ ըրած կտակը գործադրելու համար ութը ամիս Տփլիս կը մնայ: 1846ին ալ Պոլիս կը գտնուի նուիրահաւաքութեան համար:

Յակոբ Եպս. Թօփուզեան 1847ին վանահայր կ'ընտրուի Լիմ Անապատին և կը շարունակէ պաշտօնը մինչև 1879 և կը վախճանի նոյն թուականին:

Յակոբ Եպս. հսեփորի համբաւ ունեցած է. գրած է տաղաչափական գրուածներ Արծիւ Վասպուրականի թերթին մէջ (Գ. Շեքեկց. էջ 78). գրած է Լիմ Անապատի պատմութիւնը Մոկացի Բիղլի կոչուած Ներսէս վրդ.էն սկսելով և կը հասցնէ մինչև Գարսիից Եպս. Շիրոյեանց՝ որուն կը յաջորդէ ինքը 1847ին. ունի նաև Զքասարան անուամբ հին յիշատակարաններու հաւաքածոյ մը. (Գիւան. ժ. Գիրք, էջ 380—81):

ՅԱԿՈՒԲ ԵՊՍ. ՄՀՏ. ՅՈՎՀԱՆՆԷՍԵԱՆ, ՏԻԳՐԱՆԱԿԵՐՏՅԻ. — Միաբան կ'արձանագրուի 1835 ին. Զո. 1843 ին. կնիքը 1843 շինուածագետ 1844ին. գաւազանակիր 1845ին. քարգնան 1847ին. ՏՅ. 1850ին. Ներսի-դրսի խնդիրներուն առթիւ Միաբանութեան կողմէն իբր պատգամուոր կ'երթայ Պոլիս 1861ին. եպս. կը ձեռնադրուի 1863ին. ՏԲ. 1863ին. 1866ին Եսայի պտրք.ի կոնգակով պաշտօն կը տրուի իրեն այցելութեան գնալու Հայաստանի կողմերը. «որ իր հոգևոր այցելութեամբն միանգամայն Ս. Աթոռոյս հին և նոր կալուածներն աչքէ անցընէ. զանոնք ի գիր արձանացընէ. գոյացած արդիւնքները ժողով և զանոնք աւելի շահաւոր դիրքի մէջ դնէ. . . իր շրջագայելու տեղուանքը պիտի ըլլայ Լաթաքիայէն սկսեալ մինչև Տիգրանակերտ, Սղերդ, Մշու վիճակը և անտի մինչև ի Կարին» (Սիօն, 1866, էջ 121): Ան կը վերագառնայ 1871ին, անոր ընդունելութեան մանրամասնութիւնները տեսնել (Սիօն, 1871). կը վախճանի 1875ին և կը թաղ-